

La BCG investescha a Zernez – reavertura da la filiala renovada cumplettaimain

Cuira, ils 22 d'avrigl 2014 – La Banca Chantunala Grischuna ha renovà cumplettaimain sia filiala a Zernez. Suenten in temp da construcziun da var set mais profitan las clientas ed ils clients dapi ils 17 d'avrigl 2014 da novas localitads e d'ina infrastruttura moderna.

Cun renovar la filiala a Zernez ha la Banca Chantunala Grischuna adattà in'ulteriura agentura als standards d'ozendi. La BCG a Zernez è vegnida sanada e transfurmada cumplettaimain dadens e dador ils ultims mais. Dapi ils 17 d'avrigl 2014 profitan ils clients ed ils collavuratur d'ina nova halla da clientella e da localitads modernas. Ultra da quai è l'entira filiala daventada pli confortabla ed oravant tut er accessibla per persunas cun impediments.

Per Richard à Porta, manader da la regiun Scuol, stat ina cussegliaziun cumpetenta e cumplessiva era vinavant en il center. «La concepziun architectonica moderna porscha premissas optimalas per servetschs professiunals ed in service individual en in'atmosfera agreabla», commentescha à Porta che sa legra da la reavertura da la nova BCG a Zernez che ha gi lieu dacurt.

La Banca Chantunala Grischuna è preschenta a Zernez dapi passa 90 onns. Cun modernisar l'agentura suttastritga la BCG l'impurtanza dal contact persunal. La filiala a Zernez è averta da glindesdi fin venderdi da las 8.00 fin las 12.00 e da las 14.00 fin las 17.00. Per ina cussegliaziun cumplessiva e confurma als basegns procura Mattias Toutsch, manader dal martgà Clients privats. Sin giavisch cusseglia el ils clients era vinavant a chasa. Ultra da quai stat a disposiziun in bancomat per retrair daners da tut temp.

A Vossas dumondas respunda gugent:

richard.aporta@gkb.ch, manader da la regiun Scuol | +41 81 861 15 00

Il sector Marketing & comunicaziun As gida gugent a cuntanscher il pli svelto pussaivel Vossa persuna da contact:

As drizzai a thom.mueller@gkb.ch | +41 81 256 83 11.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'097 collavuraturas e collavuratur (stadi dals 31-12-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il resultat annual preschenta ella cun ina summa da bilantscha da CHF 20,001 milliardas in gudogn brut consolidà da CHF 214,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2014:

25 da fanadur 2014

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch